


# SEJARAH MASYARAKAT MELAYU MODEN

Editor: Khoo Kay Kim



Edisi Baru



# SEJARAH MASYARAKAT MELAYU MODEN

**Edisi Baru**

*Editor*  
*Khoo Kay Kim*

Dicetak dan diterbitkan oleh  
Jabatan Penerbitan  
Universiti Malaya  
Kuala Lumpur

PUSTAKA PERDANA



1005726



# *Kandungan*

<b>PENGHARGAAN</b>	vii
<b>PENGANTAR EDISI BARU</b>	viii
<b>PENGENALAN</b>	ix
<b>KEBANGKITAN ANTI-BRITISH DI SEMENANJUNG TANAH MELAYU</b> <i>Abdullah Zakaria b. Ghazali</i>	
<b>PERKEMBANGAN PENDIDIKAN DI NEGERI JOHOR 1856—1939: SATU KAJIAN RINGKAS</b> <i>M.A. Fawzi Basri</i>	13
<b>PENDIDIKAN ISLAM DI KELANTAN</b> <i>Abdul Halim Ahmad</i>	39
<b>ZAMAN PERALIHAN DI PERLIS, 1909—1940</b> <i>Zahari bin Haji Adam</i>	63
<b>AL-IMAM</b> <i>Abdullah bin Haji Jaafar</i>	85
<b>UNDANG-UNDANG TANAH SIMPANAN MELAYU</b> <i>Ahmad Nazri bin Abdullah</i>	104
<b>AKHBAR, DESENTRALISASI DAN PERSATUAN NEGERI MELAYU</b> <i>Abdul Latif Abu Bakar</i>	130
<b>PENDUDUKAN JEPUN DI TERENGGANU</b> <i>Muda Mohd. Taib A. Rahman</i>	161
<b>MALAYAN UNION DARI KACA MATA WARTA NEGARA</b> <i>Ahmad bin Masjidin</i>	190
<b>WANITA MELAYU DALAM POLITIK 1946—1948</b> <i>Zaiton bt. Ghani</i>	210
<b>PERSEKOLAHAN MELAYU 1945—1948: SATU MANIFESTASI SEMANGAT PERJUANGAN MELAYU</b> <i>Abdul Aziz Mat Ton</i>	230
<b>ISU-ISU PENTING AWAL 1950-AN DARI KACA MATA AKHBAR MAJLIS DAN MELAYU RAYA</b> <i>Mek Siti bt. Hussin &amp; Aminah Mohd. Nasir</i>	250

## ***Penghargaan***

Sejak beberapa tahun dahulu penuntut-penuntut sejarah diminta memberi sumbangan kepada usaha untuk menulis kembali sejarah Malaysia kerana walaupun telah lama perkara itu dilaung-laungkan oleh berbagai pihak tidak ternampak hasil dengan jelasnya. Penuntut sejarah sememangnya berasal dari merata tempat di Malaysia; mereka adalah orang yang paling sesuai menulis sejarah tempatan kerana mereka memahami keadaan tempat-tempat di mana mereka tinggal.

Tambahan pula begitu banyak kekosongan perlu diisi dalam bidang sejarah Malaysia memandangkan bahawa sepanjang zaman penjajahan pensejarahan Malaysia ternyata tertumpu kepada sejarah pihak penjajah. Jika sekiranya hanya beberapa orang sejarawan sahaja yang ditugaskan menulis kembali sejarah Malaysia, kerja itu akan memakan masa yang berpanjangan; pencapaiannya sudah tentu terbatas walaupun diberi jangka masa satu generasi.

Sambutan daripada para mahasiswa yang diberi cabaran itu amatlah menggembirakan. Mereka bukan hanya menjalankan penyelidikan dengan rajin dan serius; mutu kerja yang diajukan sangatlah tinggi dan pernah dipuji oleh beberapa orang sarjana Barat yang diberi peluang membaca kajian-kajian yang telah diselenggarakan. Hanya beberapa esei penuntut sejarah yang dapat diterbitkan dalam monograf ini. Yang lain ditulis oleh para akademik. Tetapi Jabatan Sejarah, Universiti Malaya, memang mempunyai tujuan mengeluarkan lebih banyak lagi monograf seperti ini pada tahun-tahun yang akan datang supaya penuntut sejarah sama ada di sekolah atau universiti, juga orang ramai, dapat menambahkan pengetahuan mereka tentang sejarah tanahair terutamanya yang memberi tumpuan kepada aspek-aspek sejarah yang setakat ini kurang dititikberatkan walaupun kepentingannya amat nyata sebab sejarah Malaysia pada dasarnya seharusnya memberi gambaran yang jelas tentang rakyat Malaysia.

Kepada bekas penuntut sejarah yang telah bertungkus-lumus memberi bantuan dan sumbangan kepada usaha memperkaya pensejarahan Malaysia, saya ucapkan ribuan terima kasih. Inilah satu-satunya hadiah yang diharapkan oleh seorang guru.

Saya juga suka mengambil kesempatan ini untuk mengucapkan penghargaan Jabatan Sejarah kepada Encik Jazamuddin Baharuddin dari Dewan Bahasa dan Pustaka yang telah banyak mengorbankan masa lapangnya untuk menguruskan segala kerja berhubungan dengan penerbitan

monograf ini. Akhir sekali tidak dilupakan juga Puan Ong Beng Thye, Setiausaha Jabatan Sejarah, dan kakitangan am, Puan Pauline Lee, Puan Habibah Abu Bakar, Cik Rosnani Alias dan Encik Chin Hin Weng kerana telah dengan susah payah membantu pengeluaran buku ini. Tanpa bantuan mereka sudah tentu monograf ini tidak dapat dihasilkan.

Profesor Khoo Kay Kim  
Jabatan Sejarah  
Universiti Malaya

April 1984.

## ***Pengantar Edisi Baru***

Pengetahuan tentang sejarah masyarakat Melayu sehingga masa kini masih cetek. Kebanyakan kajian yang diselenggarakan sekarang kurang memperhitungkan latar belakang sejarah. Akibatnya tidak jelas pada umum bagaimanakah masyarakat Melayu menghadapi cabaran zaman.

Sememangnya buku *Sejarah Masyarakat Melayu Moden* ini tidak dapat menjawab semua soalan. Sekurang-kurangnya ia dapat memberi suatu gambaran tentang proses peralihan yang berlaku sejak masyarakat Melayu bertembung dengan kuasa British mulai daripada kurun kesembilan belas.

Beberapa perkara yang agak penting telah diteliti daripada tentangan terhadap campurtangan British kepada gerakan untuk mencapai kemerdekaan. Perkara-perkara ini mempunyai kaitan yang erat dengan keadaan zaman sekarang kerana masyarakat Melayu masih dalam proses menyesuaikan diri dengan gejala-gejala yang berupa pengaruh dan sistem Barat.

Murid-murid sekolah yang mempelajari sejarah Malaysia seharusnya cuba membaca buku ini untuk mendapatkan suatu perspektif yang lebih tepat tentang perkembangan sejarah Malaysia kerana buku-buku teks yang mereka gunakan lebih mirip kepada pengkajian tentang pentadbiran British di negara ini; tidak banyak dibincangkan tentang masyarakat pribumi. Perspektif yang berat sebelah sudah tentu akan melahirkan putar-belit yang serius. Sejarah tidak mungkin dapat mendatangkan apa-apa faedah jika sekiranya ia tidak dipelajari dengan cara yang tepat dan saksama.

Jun 1985

Prof Khoo Kay Kim  
Jabatan Sejarah  
Universiti Malaya